

«Ժողովրդի համար ամենասրբազան բանը դա պետականությունն է»

Երեքշաբթի, 28 Մայիս 2013 | 15:13

Ներքաղաքական

f t B Տարալեզու



Թեմաներ՝ [Քաղաքականություն](#) [Ներքաղաքական](#)

Զ+1

Like

5

Այսօր մամուլի ատուլիսում ԵՊՀ Հայոց պատմության ամբիոնի վարիչ, պրոֆեսոր Պետրոս Հովհաննիսյանը, զուգահեռներ ներկայացնելով Առաջին և Երրորդ հանրապետությունների միջև, ասաց, որ երկուսն էլ տեղի էին ունենում պայմաններում, և մենք պետք է պատշաճ գնահատենք այն մարդկանց, ովքեր հանրապետության հռչակելու գործում իրենց վրա պատասխանատվություն էին վերցրել:

Պետրոս Հովհաննիսյանն ասաց, որ Առաջին Հանրապետության ղեկավարությունն իր մեջ ուժ գտավ վեր կանգնել կուսակցականությունից և մտածել ազգային գերխնդիրների մասին, իսկ Երրորդ հանրապետության որոշ լիդերներ դա չկարողացան անել: Ըստ նրա՝ մեր այսօրվա շատ խնդիրների շարունակական լինելը դրա հետևանքն է:

ԵՊՀ Հայագիտական հետազոտությունների ինստիտուտի փոխտնօրեն, պատմ. գիտ. թեկնածու Սիմոն Հովհաննիսյանը կոչ արեց դասեր քաղել Առաջին Հանրապետության անկումից և լինել միասնական: Նա, անդրադառնալով արտաքին քաղաքականությանը, նշեց, որ մենք պետք է կարողանանք տարբերել իրական և թվացյալ դաշնակիցներին:

«Ժողովրդի համար ամենասրբազան բանը դա պետականությունն է: Ամենադժբախտ ժողովուրդները՝ պետականությունից զուրկ ժողովուրդներն են, և մենք մեր պետականությունը ամեն ձևով պետք է պաշտպանենք»,- ասաց Պետրոս Հովհաննիսյանը և հորդորեց չզիջել պետությունը իշխանության հետ, քանի որ դրանք տարբեր բաներ են:

Ըստ նրա՝ այսօր խայտառակ վիճակում է գտնվում մեր լեզվի նկատմամբ հասարակության և երկրի վերաբերմունքը, ինչը չէր հանդուրժի Առաջին Հանրապետության ղեկավարությունը: